



Universitätsbibliothek Paderborn

Historiæ Augustæ Scriptores VI

Ælius Spartianus. Vulc. Gallicanus. Julius Capitolinus. Trebell. Pollio. Ælius Lampridius. Flavius Vopiscus

Spartianus, Aelius

Lugduni Batavorum, 1671

De Posthumio Juniore, III.

[urn:nbn:de:hbz:466:1-51232](#)

non in tribunalibus lites, non in Curia dignitas pereat: qui unicuique proprium & suum servet. Virum quem ego præcateris stupeo, & qui locum principis mereatur jure: de quo spero quod mihi gratias agetis. Quod si me fefellerit opinio quam de illo habeo, sciatis nusquam gentium reperiri qui possit penitus approbari. Hujus filio Posthumio nomine, tribunatum Vocontiorum dedi, adolescenti, qui se dignum patris moribus reddet.

DE POSTHUMIO JUNIORE, III.

⁴ **D**E hoc prope nihil est quod dicatur, nisi quod à patre appellatus est Cæsar, ac deinceps in ejus honore Augustus cum patre dicitur interemptus, quum Lollianus in locum Posthumii subrogatus, delatum sibi à Gallis sumpsisset imperium. Fuit autem (quod solum memoratu dignum est) ita in declamationibus disertus, ut ejus controversiæ Quintiliano dicantur insertæ, quem declamatorem Romani generis acutissimum, vel unius capitis lectio prima statim fronte demonstrat.

DE LOLLIANO, IIII.

⁵ **H**UJUS rebellione in Gallia Posthumius, vir omnium fortissimus, interemptus est, ² quum jam nutan-

SALMASIUS.

² Et qui locum principis mereatur jure.] Forte: locum principem. ita enim apud Tacitum & alios frequentius ponitur. sic locus Augustus, ut imperium Augustum: Ammiano Marcellino, locus principalis sapientius dicitur. locus principis, pro dignitate principis.

CASAUBONUS.

³ Cum jam nutante Gallieni luxuria in v.] Nutans luxuria quid esset, ne ipsi quidem scirene qui sic scripserunt.

Legendum, cum jam nutans Gallieni luxuria, in v. s. R. reformasset imperium.

GRUTERUS.

² Cum jam nutante Gallieni luxuria.] Sic quoque Pal. sed proculdubio reponendum, nutans.

SALMASIUS.

² Quum jam nutante Gallieni luxuria in veterem statum Romanum reformasset imperium.] Constantes sese præbent in hujus loci retinendo vitio veteres libri.